



Broj: 07-989-1/19  
Sarajevo, 09.09.2019.godine

GRAD SARAJEVO  
GRADSKO VIJEĆE  
n/r Predsjedavajućeg Gradskog vijeća

Predmet: Odgovor na vijećničko pitanje gradskog vijećnika Dado Stojnić,-

Gradski vijećnik Dado Stojnić na 30. sjednici Gradskog vijeća Grada Sarajeva uputio je vijećničko pitanje sljedećeg sadržaja:

„ – Broj radnika po svim osnovama, kakva je uloga na dane 31.12.2018. i 30.06.2019

- Urađena je nova sistematizacija iz koje je vidljivo povećanje plata, posebno onih rukovodećih, pa me zanima koliko je to povećanje na mjesečnom nivou i u procentima u novcu?
  - o Po novoj sistematizaciji broj ljudi je povećan za oko 20% koji je razlog?
  - o Povećan je broj rukovodilaca, zbog čega?
  - o Postoji pet pomoćnika direktora (iako samo dvojica) imaju takvo zvanje, ali ako se bolje pogleda šema sistematizacije vidjeće se da ih je više): za tehniku, finansije, sport, pravo i službe fizičke zaštite tolikih pomoćnika, te koliko koštaju Preduzeće ?
  - o Kako Uprava Preduzeća planira finansirati toliki broj ljudi?
  - o Planira li se upošljavanje nove radne snage, ako da, zahtjevam da se donese odluka da se to zaustavi do daljnjeg!
- Ima li uposlenika da su stekli uslove za penzionisanje ili angažovanih penzionera, ako ima zašto se ne penzionišu, a uposle mlađi ljudi?
- U posljednje vrijeme se priča o inspekcijama, koje obilaze bazen, a sve zbog neplaćenih poreza, o čemu se radi? „

U vezi sa traženom informacijom obavještavamo Vas, kako slijedi:

- Gradsko vijeće Grada Sarajeva na 28.sjednici, održanoj 29.05.2019. godini razmatralo i usvojilo **Izveštaj o radu i poslovanju JP "Olimpijski bazen Otoka" d.o.o. Sarajevo za 2018. godinu.** Putem izveštaja su gradski vijećnici upoznati o realizaciji različitih edukativnih, sportskih i rekreativnih projekata i programa, te ostalih aktivnosti koje su odgovorile ciljevima postojanja preduzeća što je, na kraju godine, rezultiralo pozitivnim poslovanjem. U Izveštaju, je između ostalog, na strani 25. naveden i broj i struktura zaposlenih. Na dan 31.12.2018.godine Preduzeće upošljava ukupno 48 radnika, od čega su 42 radnika angažovana po osnovu ugovora o radu na neodređeno vrijeme, dok je 6 radnika angažovano po osnovu ugovora o radu na određeno vrijeme. Navedeno stanje zaposlenih na dan 31.12.2018.godine je naslijeđeno od stare Uprave Preduzeća.  
**Na dan 30.06.2019. godine Preduzeće Preduzeće upošljava ukupno 42 radnika po osnovu Ugovora o radu na neodređeno vrijeme.**

Obračun i isplata plata u Preduzeću, počev od 01.aprila 2019.godine, realizuje po novom Pravilniku o radu i novom Pravilniku o unutrašnjoj organizaciji i sistematizaciji radnih mjesta koji su na organima Preduzeća donešeni 28.01.2019.godine.

Primjenom novih pravilnika ukupna **bruto masa za plate na mjesečnom nivou je smanjena za cca 7.000 KM, dakle nije došlo do povećanja plate**, kako to na osnovu informacije iz neimenovanog izvora navodi uvaženi vijećnik, **već je, naprotiv, došlo do smanjenja bruto mase za plate** na mjesečnom nivou.

- **Broj ljudi nije povećan po novoj sistematizaciji**, i broj uposlenih, odnosno **popunjenih radnih pozicija se nije mijenjao**.
- **Broj rukovodilaca nije povećan**, naime od početka rada u JP „Olimpijski bazen Otoka“ d.o.o. Sarajevo, Pravilnikom o unutrašnjoj organizaciji i sistematizaciji bila su predviđena dva pomoćnika direktora. U prethodnom Pravilniku, koji je donijet od stare Uprave Preduzeća bila su 3 (tri) mjesta pomoćnika. Donošenjem novog Pravilnika o unutrašnjoj organizaciji i **sistematizaciji broj pomoćnika je ponovno dva**, tako da nije došlo do povećanja broja rukovodioca, odnosno pomoćnika direktora.
- Prethodnim odgovorom je konstatovano da su u Preduzeću **dva pomoćnika direktora i to: pomoćnik direktora za ekonomsko – finansijsko poslovanje i pomoćnik direktora za tehničke poslove**. Radne pozicije za oblast sporta, prava i službe fizičke zaštite su postojale i u starom Pravilniku, i u tom pravcu nije došlo do izmjene u novom Pravilniku, i ne nose naziv pomoćnika, kako navodi uvaženi Vijećnik, a samim tim ni koeficijent nije isti kao za mjesto pomoćnika. Pravilnikom o unutrašnjoj organizaciji i sistematizaciji su regulisana ovlaštenja i odgovornosti pomoćnika direktora za ekonomsko – finansijsko poslovanje i pomoćnika direktora za tehničke poslove.
- Uprava Preduzeća je u skladu sa članom 22. Zakona o javnim preduzećima Federacije Bosne i Hercegovine („Službene novine F BiH“, broj: 08/05, 81/08, 22/09 i 109/12) pripremila Trogodišnji plan rada i poslovanja JP „Olimpijski bazen Otoka“ d.o.o. Sarajevo, a zatim u skladu sa članom 6. i 23. Zakona o javnim preduzećima Federacije Bosne i Hercegovine pripremila i Plan rada i poslovanja za 2019. godinu koje je Skupština Preduzeća razmatrala i odobrila na Četvrtoj sjednici održanoj dana 24.01.2019. godine, a koji **sadrže plan rashoda i prihoda kao i planirane rezultate poslovanja**.
- **S obzirom na činjenicu da Preduzeće upošljava 7 radnika koji su dobili rješenja o promjeni radne sposobnosti i invalidnosti, odnosno 4 invalida rada II kategorije i 3 radnika RVI, što pravi teškoće u radu i neometanom odvijanju procesa rada**, kao i odlazak radnika iz Preduzeća (sporazumni prestanak ugovora o radu), a imajući u vidu i starosnu strukturu u Preduzeću, planira se popunjavanje radne snage u JP „Olimpijski bazen Otoka“ d.o.o. koje će se vršiti u skladu sa Zakonom o radu („Službene novine F BiH“, broj: 26/16 i 89/18) i Uredbom o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjem na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala („Službene novine Kantona Sarajevo“, broj: 9/19 i 21/19).
- JP „Olimpijski bazen Otoka“ nema radnika koji su stekli uslove za penzionisanje, a angažman drugih radnika je izvršen u skladu sa zakonom i pozitivnim zakonskim normama.
- Tačno je da su u JP „Olimpijski bazen Otoka“ izvršena tri inspeksijska nadzora i to od strane Kantonalne uprave za inspeksijske poslove – kantonalni inspektor rada, inspektorat sanitarne, zdravstvene i farmaceutske inspekcije za hranu iz oblasti sanitarne inspekcije i od strane Ministarstva finansija Kantona Sarajevo – budžetski inspektorat, **koji su obavljajući inspeksijski nadzor izvršili**

**uvid u kompletnu dokumentaciju i utvrdili da nije učinjena povreda zakona, kao ni počinjen prekršaj.** Pozivamo uvaženog vijećnika da izvrši uvid u zapisnike o inspekcijskom nadzoru.

Želimo informisati uvaženog vijećnika Dadu Stojnića da informacije koje dostavlja Uprava Preduzeća su činjenice, a sve ostalo su špekulacije. U navodima da „ne smije da se dovede u pitanje rad Preduzeća zbog nestručnog i nasavjesnog rukovođenja“, ističemo činjenicu da je Izvještaj o radu i poslovanju JP „Olimpijski bazen Otoka“ d.o.o. Sarajevo za 2018. godinu, Gradsko vijeće Grada Sarajeva na 28.sjednici, održanoj 29.05.2019. godini razmatralo i usvojilo.

Nadalje, sadašnja Uprava Preduzeća kao odgovorna i savjesna, a s ciljem što boljeg poslovanja Preduzeća u dosadašnjem radu ( za 1 godinu i 6 mjeseci) pokrenula i realizovala niz projekata, kao što su:

- o Praking prostor ispred objekta stavljen je u nadležnost Preduzeća,
- o Vlastitim sredstvima finansirano postavljanje ulazno – izlazne rampe cca.43.000,00 KM, čime je obezbjeđen dugoročni prihod Preduzeću, a ujedno je i regulisan saobraćaj u mirovanju,
- o Postavljen je uređaj za uštedu električne energije (ušteda na mjesečnom nivou cca 1.000,00 KM),
- o Obezbeđena sredstva za izradu projektne dokumentacije (projekat izrađen) za zatvaranje terase (sportski – fitness centar), čime će se obezbjeđiti dodatni prihodi,
- o Izvršen dio inženjersko – geoloških istraživanja u cilju crpljenja podzemnih voda, čime bi se omogućilo vlastito vodosnabijevanje. Sredstva za istraživanja su obezbjeđena iz drugih izvora i na taj način nije bilo potrebe da se koriste sredstva za tekuće poslovanje koje Osnivač – Grad Sarajevo redovno doznačuje Preduzeću. Iznijeta činjenica ukazuje da je projekat naišao na podršku, kao što ukazuje i na savjesno i stručno poslovanje Uprave Preduzeća. Na mjesečnom nivou Preduzeće za troškove snabijevanja vodom izdvaja cca. 20.000,00 KM,
- o Vlastitim sredstvima izvršeno repariranje – kompletno remontovanje dvije klima komore cca. 25.000,00 KM, i ako je postojala potreba za reparacijom u vrijeme mandata stare Uprave, čime je uspostavljena normalna funkcija bazena.

Također, ovom prilikom se želimo zahvaliti Gradonačelniku, Gradskom vijeću Grada Sarajeva i Gradskoj upravi na podršci i razumjevanju koje pružaju u radu i poslovanju JP „Olimpijski bazen Otoka“ d.o.o. Sarajevo.

S poštovanjem,

Enes Peštek, s.r.  
direktor